

﴿ ارشاد الراغبين ﴾

تخادم الفقراء النقشبندية و الخالديه المهاجر والمهاجرة في حرم مكة

الكرمه والمجاهد في سبيل الله

خليل جدى

معارف نظارت جليله سنك رخصتيله

وزمعات

(محمود بك) مطبعهسى — باب على جوارنده ابو الامعود

جاده سنده نومرو ٧٢

١٣٠٧

﴿ ارشاد الراغبين ﴾

بِسْمِ اللَّهِ الرَّحْمَنِ الرَّحِيمِ

الحمد لله علام الغيوب وشار العيوب وكشاف الكروب وبذكرة تطمئن
القلوب وينال به المطلوب والصلوة والسلام على من عنده حبيب ومحبوب
وعلى اله واصحابه الذين بذلوا جهدهم في الدين هم محاييب القلوب
فبعد ماوجب علينا بوجه عاجز پير فاني خادم الفقراء خليل جدى
داغستاني مجاور حرم مكى زاده الله شرفا اخوان مسلميه تذكروا ويادكار
قالق نيازيله طريقه عليه نقشبنديه نك اصول وقواعدنى مبن ترجه
بر مختصر رساله جمع وتحرير ايلدم چونكه همم طالبين قاصر فارسى
وعربى العبارة اولان كتب مفصله دن استفاده الملك اكثر نه مشكل
ومتعسر بولنديغندن رساله مذكوره به مباشرت قلندى وبو عبد فقير قرق
سنه دن تجاوز اولور كه بوطريقت عليه الله مشغول اولدم اولامرحوم
پدرم عارف بالله شيخ محبى واسطه سيله ترك منصب ولذايد نفسانى وشهوات
انسانى هجر الله زاويه عزلنده مرحوم پدرم كى سلوك وسعى وكوششه
مسارعت ايلدم قايح سنه مرورند نصكره پدرم جنت مكانك امريله
مرشدى بولنان عارف بالله شيخم شيخ عبدالله مكى قدس سره حضرتلرينك
خدمتريله مشرف اولدم ويدى سنه مقدارى حضور عاليرنده كسب
طريقت ايدوب رضاسنى تحصيل ايلديكهمده شيخ مشاراليه حضرتلرى
حضرت مولانا شيخ خالدن بالذات مأذون اولديغى كى بنده لربنى دخى
مأذون وخليقه بنورديلر و انقاس قدسيه لرندن جاوه ومليبا وانا طولى

و سائر جهت‌لرده خبلی دین قرداشلری بوقفیر واسطه‌سیله طریقت علیه‌یه انتساب وراه هدایه سلوک ایتشلردر واما بنعمه ربک فحدث قرق سنه مدت دین دولته خدمتدن خالی اولمدیغمه تشکر ایدرم نصل که اسلاف امرای داغستاندن اولوب سلاطین جلدی عثمانیه دن جنت مکان نائل رحمت رحان سلطان احمد خان و سلطان مصطفی خان حضرت تریک خدمت‌ترینی ایفا و التقاتلرینه مظهر و فرامین ملوکانه‌رینه نائل اولدولری کبی بنده‌لری دخی و الدماجد حضرت پادشاهی جنت مکان غازی عبدالمجید خان و جنت مکان الغازی عبدالعزیز خان حضرت تریک خدمت‌ریله کسب شرفله نشان ورتبه و فرامین شریفه‌رینه سلتم کبی مظهر اولدیغمه و حالا حامی شریعت و صاحب عدل و مرحت و بمجموعه خلافت و سلطنت و سجادده نشین حضرت فخر رسالت و شایان القاب سکندری جلال خاندان عثمانی مؤید خدای یزدانی سلطان معارف پرور خاقان معالی کستر مخلص کلین اولیاء محب صلحاء و اتقیاء سلطان البرین و خاقان البحرین السلطان خادم الحرمین الشریفین السلطان الغازی عبدالمجید خان خلدالله تعالی بلکه الی مدید الزمان حضرت تریک عصره‌میت حصرلرنده علم و عرفان و ارشاد نوع انسانله سایه حایه‌سنده و حرم محترمه بولندیغمه تشکر و دوام دولترنه دعایتمکله افتخار ایدرم و عصر همایونلرنده نشر معارف و علوم شریفه‌نک رواج انتشارینه میل و رغبت بیورملری و علامه مشکک‌کشای کلینی عمده المتأخرین شیخ الاسلام مفتی الانام صادق دولت و ملت عمر لطفی افندی حضرت تریک عصر همایون پادشاهیده منصب فتوا به زیور بخش بیورلمسی مسلم خاص و عام اولدیغی جهتله حضور پر نور کعبه معظمه ربانی ده مع الاخوان دعای خیریدلری هر لیل و نهار بارگاه و اهب العطا یایه ایصال بولونقددر و بعدای طالب حق معلوم اوله که حضرت امام ربانی مجدد الف ثانی رجه‌الله علیه عندنده انسان لطائف عشره دن مرکبدر بشی

عالم امردن وبشی عالم خلقدندر عالم امردن اولان قلب وروح و سر
 و خفی و اخفی و مقام خلقدن اولان عناصر اربعه یعنی تراب و مأوه و هوا
 و ناز و نفس ناطقه در و عالم امردن اولان بش لطائفك اصلری عرش
 مجیدك فوقنده اولوب لامکانی به تعلقلری وارد حق تعالی کندی قدرت
 کامله سیله اشبو بش لطائف جواهر مجرد لرینی انسانك صدرنده مودوعه
 یعنی وضع البشر در بونلر علابق و عوایق حفظوظات نفسانیه ایله کندی
 اصلرینی فراموش البشر ایسهده شیخ کاملک بونلره توجهی سببیه
 کندی جواهر مجرد لرندن خبردار اولوب اصلرینه میل پیدا ایدر لر
 و اول وقت عالم خلقدن اولان نفس و عناصر اربعهده دخی جذبات الهیه
 ظاهر اولور و بوجواهر مجرد اولان لطائفك برنجیسی اولان لطیفه
 قلبك محلی صول مهنك تحتند ایکی پارمق اشاغی جنبه مائلدر اینکجی
 لطیفه روحك محلی صاغ مهنك ایکی پارمق تحتند جنبه مائلدر اوچنجی
 لطیفه سرك محلی صول مهنك فوقنده ایکی پارمق یوقارو صدرك وسطنه
 مائلدر در دجی لطیفه خفیك محلی صاغ مهنك فوقنده ایکی پارمق
 یوقارو صدرك وسطنه مائلدر بشجی لطیفه اخفیك محلی صدرك
 وسطنده در بوبش لطائف عالم امرده اولانلر در و تجلیات خسه دن هر برینك
 اصلی اولوب اکا باطن انسان تعبیر اولنور و هر بر لرینه مخصوص نور
 واردر که لطیفه قلبك نوری صا ریدر و لطیفه روحك نوری قرمزیدر
 و لطیفه سرك نوری بیاض و لطیفه خفیك نوری سیاهدر و لطیفه اخفیك
 نوری یشلدر و عالم خلقدن اولان بش لطائفك برنجیسی نفس ناطقه در
 محلی دماغده در و نوری دخی بلا لوندن باقی دوردی عناصر اربعه در که انلر
 تراب ماء هوا ناردر بو عناصر اربعه وجود انسانك ماده سیدر که اکا
 قالب تعبیر اولنور و عالم خلقدن اولان بوبش اجزایه ظاهر انسان دینور
 ایمی معلوم اوله که لطائف عالم اسرك فوق العرش اصلری واردر



لطيفه قلبك اصلي تجلي افعال ولطيفه روحك اصلي تجلي صفات ثوبه
ولطيفه سرک اصلي تجلي شؤونات ذاتيه ولطيفه خفيك اصلي تجلي صفات
سلبيه ولطيفه اخفيك اصلي تجلي شان جامع اولان شأن علمدر اشبو
تجليلر سالكانه ترقى حاصل اولدوقده ظهور انوارلر بوجليلرک دخی اصلاری
واردرکه اکا ولايت صغرى نسيه اولنور واکر بش درجه در درجه اولی
تجلیات افعاله متعلقدر ودرجه ثانیه تجلی صفاته ودرجه ثالثه تجلی شؤوناته
ودرجه رابعه تجلی صفات سلبیه ودرجه خامسه تجلی شان جامع اولان
شان علمه متعلقدر وبودرجه لردن هربری بر اولی العزم نینک قدمی تحتنده در
یعنی انلرک ولايتلرینک ظلیدر بریحی درجه ادم علیه السلام قدمی تحتنده
اولوب بو ولايت صاحبنه یعنی بودرجه ديه واصل اولان سالکک حقیقتی
آدم علیه السلام حقیقتنک ظلی اولوب اکا ادمی مشرب دینور ایلکجه
درجه ابراهیم علیه السلام قدمی تحتنده اولوب بو ولايت صاحبنه
ابراهیمی المشرب دینور اوچجی درجه موسی علیه السلام قدمی تحتنده
اولوب بو ولايت صاحبنه موسوی المشرب دینور دوردجی درجه عیسی
علیه السلام قدمی تحتنده اولوب بو ولايت صاحبنه عیسوی المشرب
دینور بشجی درجه خاتم الرسل اولان پیغمبرمز محمد المصطفی
صلی الله علیه وسلم قدمی تحتنده اولوب بو ولايت صاحبنه محمدی المشرب
دینور وبودرجه اته واصل اولان سالکینه هر بر لطیفه نیک کیفیت
وحالاتی ظهور ایدوب هر قنغی نینک قدیمینک تحتنده ایسه اول نینک
مشربنده اولورکه هر نییه تجلی مخصوص واردر ودخی عالم ناسوته
یعنی انسانه متعلق اجزاء عشره دن عالم خلقدن اولان بش جزو که
عناصر اربعه ونفس ناطقه در انلرک دخی عالم امرده اولان لفظاتک
اصللرینه تعلق ومناسبتلری واردر نفس ناطقه نیک اصلی قلبه وهوانک
اصلی روحه ومانک اصلی سره ونازک اصلی خفییه وترابک اصلی

اخفی به مناسبتی واردر ودخی حضرت امام ربانی مجدد الف ثانی قدس سره نك سلسله سندن کلان طریقت خالیدیہ مجددیہ نقشبندیہ نك اصولی درت رکندن عبارت اولوب برنجیسی اسم ذات ونفی اثبات ذکر بدر ایکنجیسی شیخ کاملاک صمیمی واکا محبت و رابطه ایتمکدر اوچنجیسی سن سنیده به تابع اولوب اخلاق حیده ایله متصف وبدعت سیئه دن اجتناب ایتمکدر در دنجیسی مراقبه در امدی برنجی رکن اولان اسم ذات ونفی اثباتک بیانی بودر که بو طریقته انتساب ایدن سالکک شغلی اولان ذکر اسم ذاتدر سالکک لطیفه قلبه متوجه اولوب اسم ذات ایله بدأ ایلرکده کوزلرینی یوموب لسانی اوست دماغنه یاپشدیروب لسان قلب ایله الله الله دیو ذکر ایتمکدر صکره سائر لطائفله شیخنک امری وتوجه ایله نقل وانلر ایله دخی ذکر ایتمکدر که تفصیلی ترتیب شغلده بیان اولنمشدر مطالعه قلبنه ولطائفک جمله سی قالب انسانک هیکنده مجتهدر بعده ذکر اشبو لطائفدن قابله سرایت ایدوب قالب ایله دخی ذکر ایتمکدر و بونلرک جمله سی ایله ذکره سلطان الاذکار دیرلر والی ویا یوزکره ده لسان خیال وکمال انکسار ایله الهی ذات پاککدن باشقه مراد و مقصودم ورضا کدن بشقه مطلوبیم بو قدر بکامحبت و معرفتکی احسان ایله دیوالتجا ذکرده شرطدر که بوکا باز کشت دیرلر بوندن صکره سالکک شغلی ذکر نفی واثباتدر انک طریقی بودر که اول سالکک نفسنی درونته چکوب کوبکی التنده حبس ایلوب لسان خیال ایله لاله الله کلمه توحیدندن لالفظنی سره سندن دماغنه قدر چیقاره وآله لفظنی دخی خیال ایله دماغندن صاغ آموزینه ایندیره و الا الله لفظنی خیال ایله آموزندن اشاغی سائر لطائفه سرایت ایندیره رک لطیفه قلبه شدتله ضرب ایده که حرارتی سائر لطائفه دخی تأثیر ایلیمه بوجهله نفسی طارلشه جق مقدار ذکر ایدوب تک عددنده یعنی اویچ وبش ویدی وطاقوزده نفسی صالی ویره جک وقت

محمد رسول الله کلمه سنی خیال ایله قلبه چکوب اندنصکره لسان خیال وکمال
انکسار ایله الهی ذات پاککدن بشقه مراد و مقصودم و رضا کدن بشقه
مطلوبم یوقدر محبت و معرفتی بکا احسان ایله دیوالتجا ایدوب نفسی صالی
ویره بوکا باز کشت دیرلر ودخی ذکر اسم ذاته سسالت خیال ایله قلبه
وقلبی ایله ذات پاکجل وعلایه توجه شرطدرکه نسبت باطنک حصولی
بوتوجهک غیری ایله اولمز و ذکر ایدرکن لامقصود الااللهک معناسنی یعنی
الهی ذات پاککدن غیری مقصود یوقدر دیو ملاحظه ائلك شرطدر
کذلك ذکر ایدرکن لفظ لا ایله نفی وقتنده کندنی وارلغنک نفینی وجبیع
موجوداتک نفینی ملاحظه ودخی لفظ الاالله ایله وقت اثباته ذات الاهی
اثبات ائلك شرطدر وبو توجهه وقوف قلبی دیرلر تاکه قلبه خواطر
غلبه ائلیه وبوکا نگاه داشت دیرلر و ذکر اسم ذاته حبس نفس ائلیه
اما بطیء التأثر اولان سالکله مشایخ ذکر اسم ذاته دخی حبس
نفس ایله امر ایدرلر زیرا حرارت قلب و ذوق وشوق و رقت ونفی
خواطر و ظهور محبت کبی احوالک جله سنه حبس نفسک فائده سی واردر
و ممکندرکه بونده کشف حاصل اوله و ذکر نفی اثباته ذکر اولنان عدد
وتره یعنی تک عدده مراعات معمول مشایخدرکه اکا وقوف عددی دیرلر
واشبو حبس نفس ایله ذکر نفی اثبات حضرت خضر علیه السلامدن
مأثوردرکه حضرت خواجه عبدالخالق العجدوانی قدس سره العزیزه
تعلیم بیورمیشلردر اکر سالک برنفسده عددی یکرمی بره ایرشدردکده
ثمره وفائده سنی بولمزه عملنک صحتی یوقدر یکیدن هر نفسده اوچدن
باشلیوب شروط وادابنه رعایت لازمدرکه ثمره سنه نائل اوله اشبو ذکر
اولنان شروط سبعة که حبس نفس وقوف قلبی وملاحظه معنای
لامقصود الاالله ولا لفظیله اثبات ذات الحق جل و علا واخرنده محمد
رسول الله دیمک وباز کشت ایله التجادر بونلر ذکرک الزم شرطلرندندرکه

ذا کرده محویت بوشر طر ایله ظهور ایله وقتا که ذا کرده محویت
 واضمحلال ظهور ایلسد ذ کرده لطائف حرکتی ساکن اولور زیرا که لطائفک
 حرکتی مطلوب دکدر مطلوب اولان مقدمات فنا اولان محویتدر
 تکم بعض اکبر بیور مشدر که (بیدل) باوج کبریا کزیم لوی عجز است راه
 انجا سرمویی در اینجا خم شوی بشکن کلاه انجا ایکنجی رکن اولان شیخ
 کاملک صحبتی و اکا محبت و رابطه نك بیانی بودر که سالک شیخ کاملک
 صحبتندن استفاده وانک توجه و اخلاص نك ین و برکتیله
 قلبی غفلندن پاک اولور. و اول شیخ محبتک جذبہ سی سبیلہ انوار
 مشاهده الہی مریدک قلبہ ضیا ویرر و شیخ حضورنده ادبہ رعایت
 و خاطرینک رضاسنی آملق لازمدر و غیبتنده اکا رابطه و اقتدا ایله
 فیضیاب اولمقدر تکم بیور مشدر که بو طریقته حتمه زیاده ایرشدر یچی
 رابطه شیخدر و شیخ حضورنده رابطه نك کیفیتی قلبنی شیخ قلبہ
 محبت و تسلیم طریقہ ربط ایدرک متوجها الی الله ذکر ایتکدر شیخک
 غیبتنده سالک کندوسنی شیخک حضورنده فرض ایدوب کذلک قلبنی
 شیخک قلبہ محبت و تسلیم طریقہ ربط و صلانده مقتدینک امامه اقتداسی
 کبی اکا اقتدا ایدرک متوجها الی الله ذکر ایتکدر و شیخک صورتنی طریق
 الی الله مفتوح بر باب اعتقاد ایتکدن عبارتدر امدی رابطه شیخه محبتہ
 اولوب سالکک باطنی رابطه سبیلہ انوار کسب ایدرک احوال سلوکی و اسرار
 و صولی تحصیل ایدرور رابطه ایله شیخندن فیضی اخذ ایدر هر نقدر شیخندن بعید
 محلده بولور سده یعنی بری مغربده و بری مشرقده اولور سده بواجلندن
 مشایخ استفاضه ده مراقبه سز و توجه سز رابطه کفایت ایدر دیدیلر و اگر
 رابطه دن مراقبه یا ترقی ایدر سه نور علی نوردر اشبور رابطه نی خلف سلفدن
 اخذ بیور دیلر و جلہ سنک واسطہ سی رسول اکرم صلی الله علیه و سلمک
 شریعتدر زیر محبت شیخ ایله محبت رسول الله و محبت رسول الله ایله محبت الله

حاصل اولور و شیخ واسعه صغری و رسول اکرم صلی الله علیه و سلم واسطه
 کبری و رسول اکرم بیور مشردر که فان لم تقدر ان تحب الله. فکن محبا لمحبه
 حتی تكون محباله تعالی یعنی اگر الله تعالی به محبت ایتمکه قادر اوله مزایسک
 انک محبته محبت ایله که اکا محب اوله سک دیمکدر حاصل کلام شیخه محبت
 ایتمک طریقک اعظم ارکانه دندر صدیق اکبر رضی الله عنه حضرت تری
 رسول اکرم دن نسبت محمدیه بی اخذری اکا رابطه و محبتله ایدی اندن
 سلسله مشایخ نقش بندیه به و اصل اولمشدر و مشایخ بیور دیر که سالک رابطه به
 احتیاجی انوار تجلیاتی استفاضه به قادر اوله مدیغی جهندندر زیرا شیخ
 مطلوب ایله سالکربیننده واسطه در سالک ترقی ایوب کند و سند استفاضه به
 قدرت حاصل و مظهر بجلی اولدوقده شیخه رابطه بی ترک ایدر زیرا ترقیدن تنزه
 رجوع و اعراض عن الله دیمکدر لکن شیخه محبتی ترک ایتمز زیرا اکا وسیله
 اولمشدر اکا تعظیم حقیقتده رسول الله تعظیم و رسول الله تعظیم حق تعالی به
 تعظیم درو شیخه مخالفت رسول اکرمه مخالفت و رسول اکرمه مخالفت حق جل
 و علایه مخالفتدر حدیث نبویه من لم یشکر الناس لم یشکر الله و ارد اولمشدر
 معنای ناسه شکر ایتمن الله شکر ایتمز دیمکدر او حججی رکن اولان سن
 سنییه به اتباع و بدع سیئه دن اجتنابک بیانی بودر که سالک سنت سنییه نیک
 جمله سنی ایانه سعی و شریعت مصطفویه ایله مؤدب و آثار سلف صالحیه
 اتباع و بدع سیئه دن اجتناب ایتمکدر کذلک رخص اولان شیری دخی ترک
 ایتمکدر و کندیوسی هر کس عندنده و دیننده مؤتمن اولوب صدق
 و نصیح و امانت ایله معروف اولمشدر زیرا مطلوبه و وصول سنت
 سنییه به متابعت ایتمکجه ممکن اولمز حتی سنت سنییه مخالف اولان
 کشفات معتبره اولیوب سالکده اندن استغفار ایتمک لازمدن دردیجی رکن
 اولان مراقبه لک بیانی بودر که مراقبه لک برنجیسی داره امکانه اولان
 مراقبه احدیتدر چونکه سالک باطنی ذکر ایله متور اولدوقده سیحی

اكا اشبو مراقبه احدىتى تعليم ايدر مراقبه نك معناسى سالك ذكر ورباطه
 ايتهدرك حضور ايله حقه متوجه اولوب فيض الهينك قلبى اوزرينه ووردنه
 منتظر اولمقدر واما لطائفه ملكه حاصل اولوب ذكر ايدرلر ايسه نور
 على نوردر اشبو مراقبه احدىته سالك ابتدا كندوسنى دائرة امكانده فرض
 ايدوب اويله مراقبه به شروع ايتليدر كرك بو مراقبه وكرك سائر مراقبه رده
 سالك كندوسنى اول مراقبه ايتديكى دائرة دروننده فرض ايتليدر ومرشدى
 دخى توجهده كندىنى اول دائره ده فرض ايدر وجيع اوقاته نياز
 وشكستكى تام ايله متوجه الهى ومراقب فيض غير متناهى اولوب وحضرت
 ذات تعالى به محبت ايتليدر واشبو توجهله خاطرنده ملكه حاصل اولورسه
 بوكا حضور قلبى ديرلر كه ذكر اسم ذات و ذكر نفي اثباتدن مقصود دخى
 بو حضوردر وبو خاندان نقش بنديده نك معمولى اولان اشبو مراقبه
 احديت كه جيع صفات كاليه ايله موصوف وجيع نقصان
 صفتلردن منزله اولان ذات اقدسدن نازل اولان فيضه منتظر اولمقدن
 عبارتدر ومورد فيض سالك قلبيدر اشبو مراقبه ده سالك قابله فيض
 وارد اولدقده اول فيضك نورى ايله منور اولوب جذبته الهيه ايله عروج
 وترقى به شروع ايدر كه بوكا سيرا الى الله دينور واشبو سير الى الله دائرة
 امكانده اولوب بودائرة نك نصف اسفلى نك سيرينه سيرا فاقى ونصف اعلا سنك
 سيرينه سير انفسى دينور وطريقت نقش بنديده ده سالك ابتدا سير انفسيدن
 شروع وبو سيرك ضمننده سيرا فاقى يى قطع ايلديكندن بوكا اندراج النهايه
 فى البدايه تعبير اولنور زيرا شيخ اجل حضرت النقشبند (نحن ندرج النهايه
 فى البدايه) بيور مشلر در كه معناسى بزم غير يمزك طريقرى سالك كرينه نه ايتده
 حاصل اولان بزم طريقتك سالك كرينه بدايتلر نده حاصل اولور ديمكدر زيرا
 بو طريقتده ابتدا عالم امردن اولان قلبك سير سلو كندن شروع اولنور
 وسير انفسينك علامتى سالكك باطننه تجليات ظهوره كلكدر وسيرا فاقينك

دائرة الامكان

ابا جامع اصلا لاصل
 ثا السببية اصل المحققى
 زيات لذاتية اصل السر
 اا الثبوتية اصل الروح
 لاضا الى اصل القلب
 سرشت
 بنى
 غنى
 ناز
 حواء
 اوج
 تراب

علامتی سالک انوار تجلیاتی خارجدہ کورمکدر اولاً سالکک لطیفۃ قلبی
 عالم امرده اصلی اولان تجلی افعالہ واصل واندن روحک اصلی اولان
 تجلی صفات ثبوتیہ واندن سرک اصلی اولان تجلی شئونات ذاتیہ بہ
 واندن خفینک اصلی اولان تجلی صفات سلبیہ اندن اخفانک اصلی اولان
 تجلی شان جامع اولان شان علمہ واصل اولدندہ دائرہ امکانک سیری
 تمام اولور و دائرہ امکانک سیرینک تمامک علامتی ایکی ساعت مقدری
 سالکک خواطر دنیویہ کلماکدر و بعضلر دخی سالکک دائرہ امکانی قطع
 التلسنہ علامت انوار کورمکدر دیمشدر بو دائرہ امکانک نصف سافلی
 زمیندن عرشہ قدر و نصف عالیسی بالای عرشہ قدردر بو دائرہ امکانک
 سیری تمام اولدقدہ ولایت اولیاء اولان دائرہ ولایت صفرائک
 سیرینہ شروع ایله شیخی اکا و هو معکم ایما کنتم ایہ کریمہ سنک مفہومی
 اولان مراقبہ معیتی تعلیم ایدر کہ اول مراقبہ سالک حق تعالی نک هویتنی
 کیفیتسز کندیلہ وجیع لطائف و عناصرک ذرہ لیلہ وجیع کائناتک اجزاء
 و ذراتیلہ معیتدہ ملاحظہ ایدوب اندن قلب اوزرینہ و قلبک ضمندانہ
 سائر لطائف اوزرینہ فیضک ورودینہ منتظر اولقدن عبارتدر واشبو
 معیت بر جسمک جسم اخرلہ معیتی کبی دکلددر بلکه بو معیت کیفیتنی
 بجهول اولان برامردر کہ حق تعالی نک معیتنی اعتقاد ایدرز و کیفیتنی بلیر
 زیرا حادثک معرفت کنہ قدیمدہ وجہا من الوجوه مدخلی یوقدر و کائنات
 اوزرینہ وارد اولان فیضلر ایکی نوع اولوب نوع اول بالواسطہ ایجادہ
 تعلق ایدن فیضلدر تخلیق و ترزیق و احیا و اماتہ کبی و نوع ثانی مخلوقات
 اوزرینہ بلا واسطہ وارد اولان فیضلر در کہ معیت هویتدن وارد
 اولان فیضلر کبی اگر معیت هویتدن فیض وارد اولماسہ کائنات موجود
 اولزدی و برحلقہ منقطع اولسہ موجوداتک جبعی ساعتدہ فنا بولور
 ایدی بو مراقبہ معیتدہ منشأ فیض آیت کریمہ مذکورہ نک مفہومنجہ ذات

بیان دائرة الولاية
التصغیر



هو بتدر ومورد فيض سالك قلبي وسائر لطائف نجسه سيدز اشبو دائرة
 معيت كه حقائق الامم وحقائق سائر المخلوقات اولان ظلال اسما مراتبندن
 عبارتدر ولطائف نجسه نك سيري انده واقع اولور اول لطيفة قلبك سيري
 تجلي افعال الهية نك اصلي اولان ظل اسمه واصل واوزرينه فيض وارد
 اولدقده سالك تجلي افعالك اصلي اولان اسمك انوارنده مستغرق اولوب
 سالكه فناء قلبي حاصل اولور وبوفنا ولايتك اولكي درجده سيدر بعده
 لطيفة روحك سيري تجلي صفات ثبوتيه نك اصلي اولان ظل اسمه واصل
واوزرينه فيض وارد اولدقده سالك صفاتي كندندن سلب اولور
 ولطيفة سرك سيري تجلي شؤونات ذاتيك اصلي اولان ظل اسمه واصل
 واوزرينه فيض وارد اولدقده سالك ذاتي ذات حقه مستغرق
 اولور ولطيفة خفيك سيري تجلي صفات سلبيدك اصلي اولان ظل اسمه
 واصل واوزرينه فيض وارد اولدقده سالك ذات حقي نقصان صفتلردن
 منزه وجيع مظاهر دن مجرد مشاهد دايدر ولطيفة اخفيك سيري تجلي شان
 جامع الهية نك اصلي اولان ظل اسمه واصل واوزرينه فيض وارد اولدقده
 سالك حق تعالى نك معيت هو بيتي كيفية سز بسيط لامثل ايله ادراك ايدر
 بو ادراك كمال غلبه سنده سالك توجه و حضوري مضمحل اولور اشبو
 دائرة ولايت صغرى نك وسير الى اللهك تمامنه علامت معيت آلميه سالك
 جهات سته سني احاطه ايدرك توجه و حضوري مضمحل وكثرة مجابري
 وحدت وجهندن مرتفع اولوب جهات سته قيودانندن خلاص اولمقدرد
 وسير الى اللهك تماميله سالك سير في اللهه شروع ودائرة ولايت صغرانك
 تماميله دائرة ولايت كبرى نك سيرينه شروع ايدرك انديانك ولايتري مرتبه سيدر
 اشبو دائرة ولايت كبرى اوج دائرة ورقوسدن عبارت اولوب برنجي
 دائرسي ولايت ابراهيميه مرتبه سي ودائرة الاسماء والصفات تسميه قلنشدرد
 اشبو دائرة نك نصف ساقلي اولان قوس اسما و صفاتي متضمن ونصف عالمي سي

دائرة الولاية الكبرى

في القوس مراقبة لطيفة
 من اصل الكل
 دائرة اصل الامن
 دائرة الاصل
 دائرة الاسماء والصفات

اولان قوس شئونات ذاتیه بی مشتملدر و بواسمء و صفات و شئونات ولایت
 صغرا ده اولان ظل اسما و صفاتک اصلیدر ایکنجی دائرہ سی ولایت موسویہ
 مرتبہ سی اولوب و دائرة الاصل تسمیہ قلمشدر او چجی دائرہ سی ولایت عیسویہ
 مرتبہ سی و دائرة الاصل تسمیہ قلمشدر و قوس ولایت محمدیہ مرتبہ سی
 اصل الكل تسمیہ قلمشدر و بواسولدن مراد دائرہ ولایت صغرا ده اولان
 اسمانک اصولی دیمکدر و اول اسما بواسولک ظلی دیمکدر و بواسول دخی
 مرتبہ ذاتہ اولان صفاتک ظلنک ظلیدر و قوسدن مراد دائرہ نك نصف
 اعلا سی اولان قوس شئونات ذاتیه در که قوس ذات تعبیر اولور زیرا
 بومقامه و اصل اولان سالکک نظرندن دائرہ نك نصف سافلی اولان قوس
 صفات زائل اولور وقتا که سالک ولایت کبرانک سیرینه شروع ایلیه
شخی اکا و نحن اقرب الیه من جبل الورد ایت کریمه سنک مفهومی اولان
 مراقبہ اقریبتی تعلیم ایدر که اول مراقبہ سالک کندینه جان طهرندن
 اقرب اولان ذات تعالی دن نفس ناطقه سی اوزرینه فیضک و رودینه منتظر
 اولمقدن عبارتدر و اندن نفس ناطقه اوزرینه فیض وارد اولدقده سالک
 اول دائرہ ده سیره و عروجه شروع ایدر وقتا که سالک برنجی دائرہ اولان
 اسماء و صفات دائرہ سنک سیرینی اتمام ایده بعده سیری و عروجی دائرہ
 اصلده واقع اولور بعده دائرہ اصلدن عروج ایلدکده سیری اصل الاصلده
 واقع اولور و اندن دخی عروج ایلدکده سیری اصل الكل و نصف دائرہ
 اولان قوسده اولور اشبو دائرہ و قوسک هر برنده فنا و بقا حاصل اولور
 اشبو برنجی دائرہ ده سالک سیر ایدوب اصل اولان اسمه و اصل و اوزرینه
 فیض وارد اولدقده کندوسنه اضمحلال و استهلاک و فنای نفسی و اول
 اسمله بقا و تزکیه نفس و نورانیت حاصل اولور اکر سالک و مرشدی صاحب
 کشف ایسه اکا توجه ایلدکده اشبو وارد اولان فیضک نورینک سالکک
 نفسی اوزرینه شدت تام ایله دوکادیکنی سالک یا شخی مشاهده ایدر بو حالده

بیان الغناء فی الله فنا
 ما سوانک نسیانندن
 عبارتدر که حضرت
 حقنک وجودینک
 شهودی استیلا سی
 ایله اولور بیانی بودر که
 انسانک روح انسانی سی
 (سر) و خقی کچی
 تقدیر مراتب و لطاشی
 متضمن اولوب بدنه
 تعلقندن اول صانعنه
 جل سلطانه علمی وار
 ابدی و نسبتی او جناب
 اقدسه محقق ابدی
 و نه ابدنه استعداد
 ترفیات مودع اولوب
 لاکن اول استعدادک
 ظهوری روحک بدن
 عنصریسنه تعلقه منوط
 ابدی پس اول روحی
 عشق و محبت الهی ایله
 متصف ایلوب بو بیکر
 هیولایه به کوندزدیلر
 و ارتباط حی کال وجه
 اوزره بیکر هیولانی
 ایله روحک مایننده
 پیدا اولوب روح
 کندیسنک لطافت
 اصلیه سنی اونیدوب
 بو محبوب ظلانوده
 بیکر هیولاننده جبع
 توابع اصلیه ایله کندیسنی
 ضایع ایلدی بونک
 اچوندر که چوق عقلا

سالک مظلومت و جودی مستولی اولوب کندی و جودی طوزک صو
 ایچنده اریدیکی کبی مظلومت و جود حقیقیسی جنبنده اریوب حتی سالک
 وجودندن نام و نشانی باقی قالمز و زوال عین و اثر میسر اولور و کندی
 لفظ انا اطلاق ایتک یعنی بنم دیمک متعذر اولور زیرا کندنده اناک
 موردی بولمز اشبو برنجی دائرهده هر نقدر سالک زوال عین و اثر و فانی
 نفس ظاهر اولور ایسهده لکن مادامکه بعض اصول او کندنده در بعض آثار
 باقیدر اصولک جیبعتک سیری تمام اولدقده اثر دن برشی باقی قالمز و اول
 وقت سالک بردریای عدمه طارک کندی یوقدر یوقینا معلوم اولور که
 کندی حقیقت فنا اشبو ولایت کبراده میسر اولور و ولایت صغرای
 سابقهده بولنان فانی قلبی بوفنائک صورتی ایش امدی برنجی دائره
 سیری تمام اولدقده ایکنجی دائره سیرینه شروع ایدوب شیخی اکا بحبهم
 و یجونه ایه کریمه سنک مفهومی اولان مراقبه محبتی تعلیم ایدر که اول مراقبه سالک
 محبت ایدیکی و سالک محبت ایدن ذات تعالی دن نفس ناطقه اوزرینه فیضک
 ورودینه منتظر اولمقدن عبارتدر و اندن نفسی اوزرینه فیض وارد
 اولدقده نفسک نورانیته زیاده نور و اصل اسم و اصل و انده فنا و انکاه
 بقا حاصل اولدقده سالک قرب او ادانن تکلمه شروع ایدوب دائره
 ثالث سیرینه شروع و شیخی اکا دائره ثالثه نک مراقبه سی اولان مراقبه
 محبتی تعلیم ایدر و نفسی اوزرینه بو دائره نک فیضی وارد اولدقده نفسی
 راضیه مرضیه اولوب مولاسی اندن و اول مولاسندن راضی اولوب
 تهذیب اخلاق حاصل ایدوب کندوسندن دائما خیر صادر اولور و اولزمان
 قوسک سیرینه شروع ایدوب کذلک شیخی اکا مراقبه محبتی تعلیم و نفسی
 اوزرینه قوسک فیضی وارد اولدقده فناء تام حقیقی و بقاء حقیقی و وصل
 عریانی حاصل اولور که اکا فناء فی الله بقاء بالله تعبیر اولور و اول سالک
 عین فساد فانی و عین بقاده باقی و تجلی ذاتی ترقیسی ایه مشرف

کندیسی جسدن
 غیری ظن ایلوب
 و رای جسدده بر امر
 دیگر اشیات ایلزلر
 حضرت حق سبحانه
 و تعالی ارحم الراحمین در
 کندی رجعتدن السنه
 انبیا ایه که رجتهای
 عالمین در لر صلوات الله
 علیهم اجمعین خصوصاً
 علی افضلهم و خاتمهم
 اولری کندی جناب
 قدسی سنه دعوت
 یوردی و تعلق ظلمانی
 و وسواس شیطانیدن
 منع ایدمی قال سبحانه
 و تعالی
 قل الله تمذرهم الایه اول
 کیسته به که سعادت
 ازلی در کار اولدی
 رجوع قهقری ایه
 دونوب و عالمی به
 و داع ایلوب اوبوزی
 عالم علوی به دوندردی
 ساعتاً فساءة قدیمی
 محبت غلبه ایلوب
 و حادث اولان محبتک
 یوزینه زوال کندی
 تا اول قدر که بو محبوب
 ظلمانی به نسیان نام میسر
 اولوب و محبت بیکر
 هیولانیدن بر اثر قالمیوب
 بوزمانده فناء جسدی
 متحقق اولدی و ایکی

خطوه که بپولده اعتبار
ایلیوب دیملر در که
خطوتان وقد وصلت



بر خطوه سی انجمه
ا بر شدی بعده دخی
مجن فضل الهی جل
وعلی ایله بو مقامدن
ترقی ایدوب وجود
نفسی و روحی و توابع
وجود لری نسبتانه
شروع ایلدوب بونسیان
آنا فانا زید یاد ایدر
اول وقتله قدر که
سالک کندبسی بالتام
منفی ایله و حضرت
واجب الوجوددن
غیری مشهودی هیچ
قلمز بونسیان فتای
روح ایله معبر در
و ایکنجی خطوه ده
روحک عالم سفلی به
زولندن مقصودا شو
انسانک قسم نایبسی
حاصل اتمکدر بوندن
بشقه دولت عظمایه
واصل اولق عمن
دکدر رزقنا الله تعالی
معارف لدینه ده امام

و نفسی ملهمه اولور و اکا علوم و معارف وارد و انشراح صدر حاصل
اولور و اعضایی عبادت ایله بجمل و قلبی مشاهدات ایله منور و اسرار
قاب قوسین او ادنی ایله متحقق اولور و ولایت کبراده سالکک ترقیسنه
عمده اولان نفی اثبات و تهلیل لسانی و مراقبه در و بودائرة کبرانک سیرینک
اتمامیله اسم ظاهرک سیری تمام اولوب سالک اسمی باطنک سیرینه شروع
ایدر اسم ظاهرک سیرینه اسم باطنک سیری باینده فرق بودر که اسم ظاهرک
سیری ذات ملاحظه سز صفاتده سیردر و اسم باطنک سیری هر نقدر
صفاتده سیر اینه ده ضمنده ذات ملحوظدر مثلا صفت علمده ذات
ملحوظ دکدر و اسم علمده ذات ملحوظدر زیرا علم علی اولان ذات
دیگدر امدی سالک اسم باطنک سیرینه شروع ایتدیکنده شیخی اکا ولایت
خواص ملائکه اولان دائرة ولایت علیانک مراقبه سنی تعلیم ایدر که اول
مراقبه ده سالک بو ولایت علیانک منشائی اولان ذات تعالی دن عنصر
ترا بدن ماعدا عناصر ثلثه سی اوزرینه فیض و رودینه منتظر اولمقدن
عبارتدر زیرا ملائکه کرامک بو اوج عناصردن نصیلری وارد و بو
مقامده سالکک نزول واقع اولوب دائرة عالمه نزول ایدوب ظاهری خلقی
ارشاد ایچون خلق ایله و باطنی مع الله اولور و خلقی حقه دعوتیه مستحق
اولمغله شیخی اکا اجازت و یرر زیرا اول ذات تعالی دن عناصر ثلثه
اوزرینه فیض وارد اولدقه عناصر ثلثه سی اعتدال کسب ایدر عنصر
ماء شهوتنده اعتدال کسب ایدر و قلبه مناسبتی اولمغله مضغه قلبیه واسطه سیله
جیع اعضایه فیض وارد اولور و عنصر هوا حرصندن اعتدال کسب
ایدوب روحه مناسبتی اولمغله روح مقامنه قائم اولور و عنصر ناری
تکبردن و طغیانندن اعتدال کسب ایدوب خلقیه مناسبتی اولمغله تکبری و اخلاق
سیئه سی زائل و اسلام حقیقی ایله مشرف اولور و قتنا که سالکک ولایت
کبراده اسم ظاهرک سیریه بر جناح حاصل و ولایت علیاده اسم باطنک

سیری ایله جناح ثانی حاصل اولوب اشبو ایکی جناح ایله مطلوبی اولان
 غیب هویته طیران ایدر اشبو ولایت علیاده سالکک ترقی سنک عملده اولانی
 تهلیل لسانی و طول قیام ایله نافله نماز قیلقدر و سالک دائره کالات نبوت
 سپرینه شروع ایدوب شیخی اکا کالات نبوت مراقبه سنی تعلیم ایدر که
 بو مراقبه سالک کالات نبوتک منشائی اولان ذاتی تعالیدن عنصر ترابی
 اوزرینه فیضک ورودینه منتظر اولمقدن عبارتدر اشبو عنصر تراب فقط انسانه
 مخصوص اولدیغندن بوجهتدن خواص انسان یعنی انبیایه میسر اولان خواص
 ملائکه یه میسر دکدر اشبو عنصر تراب اوزرینه فیض وارد اولدقدن اعتدال
 کسب ایدوب اخفییه مناسبتی اولمغله دناءت و خمت تلوثیدن طاهر اولور
 هر قدر عناصر ثلاثه اعتدالری ولایت علیاده اولدی ایسه ده کمال
 اعتدالری و فناء نفسک کالی بو مقامده حاصل اولور و اسرار مقطعات
 قرآنیه نیک یعنی بعض سورده لک اوائلنده اولان حروفک اسراری دخی
 بو مقامده سالک کشف اولور و بو مرتبه یه واصل اولان سالکک ظله
 متعلق اولان ایمان شهودیسی اصل الاصله متعلق اولان ایمان غیبی یه
 متبدل اولوب فوقی طاعتده و نسبتی عبودیتده اولور و بو دائره ده
 ترقی تفضل الهی یه منوطدر و بو مقامده ظاهری کالات نبوتک حصولنده عمده
 اولان قرآنی ترتیل ایله قرأة ایتک و ادابنه رعایت ایدرک طول قنوت ایله
 نماز قیلق و تهلیل لسانی یه محمد رسول الهی ضم ایتک واردات نزولی
 مفیددر و سالکک نزول ظهور ایلدکده ارشاد خلق ایچون ظاهری
 و باطنی خلقته متوجه اولور زیرا کالات نبوتک نزولی ولایتک نزولی کبی
 ظاهری خلقه و باطنی حقه متوجه اولدیغی حالده دکدر و شیخی اکا ارشاد
 ایچون اجازت و یردکده اندن کمال ارشاد ظهور ایدر بعده سیری دائره
 کالات رسالنده اولوب شیخی اکا مراقبه کالات رسالتی تعلیم ایدر که
 اول مراقبه ده سالکک منشاء کالات رسالت اولان ذات اقدسدن کندوسنک هیئت

ربانی حضرت نوری بویه
 تحقیق البشدر
 مصباح الهدایه صاحبی
 جلال الدین قاشانی
 قدس سره مقام جمع
 و تفرقه بی بیان

دائره
 کالات
 النبوة

و ایضا احده شویله
 بیورر که جمع لغظی
 اصطلاح صوفیه ده
 اثنبیتی و مباییتی رفع
 و اضافاتی اسقاط ایدوب
 بر لکه در لر و تفرقه
 دبو مباییت و اثنبیتک
 وجودیه ربویت
 و عبودیتی اثبات ایدوب
 حق ایله خلقک بینی
 فرق ایتکدر امدی
 تفرقه سز جمع محض
 زندگی و جسم سز تفرقه
 تعطیل مردود در و جمله
 تفرقه بی جمع ایتک
 حق صریح و محض
 هدایتدر زیرا جمعک
 حکمی جسمه و بدنه
 استناد ایدر مادامکه

دائره
 کالات
 الرسالة

وحدانیہ سی اوزرینہ فیضک ورو دینی انتظاردن عبارت و ہیئت و حدانیہ نیک
معناسی انسانک اجزاء عشرہ سی تزکیہ اولدقدہ اجزاء عشرہ دن مرکب
بر ہیئت و حدانیہ نیک حصولندن عبارتدر کہ سالک انکله الی ماشاء اللہ
عروج ایدر و سالک اشبو کالات رسالتک فیوضاتیله متشرف اولدقدہ
کالات اولی العزمک سیرینہ شروع ایدوب شیخی اکا دائرہ کالات اولی
العزمک مراقبہ سنی تعلیم ایدر اول مراقبہ دخی کالات نبوتک کی کبی فیضک
ورودینی ہیئت و حدانیہ سی اوزرینہ انتظاردن عبارتدر و اشبو کالاتک
حصولنده عمدہ کالات نبوتہ عمدہ اولان قرآن و سائرہ در اشبو
اوج کالات بالاصالہ انبیایہ مخصوص ایسدهہ بالتبع والوارثہ
امتیرینک دخی نصیلری واردر بوصورتده امتک اشبو کالاتک حصولنده
انبیایہ مساوی اولمری لازم کلز بوندن صکرہ مراقبات حقایق انبیایہ
و حقایق الهیہ واردر کہ بورسالدهہ انر ترک اولنمشدر تفصیلیرینی مراد
ایدن کسه مکتوبات امام ربانی و سائر مفصلاته مراجعت ایلیه ربنا
اتم لنا نورنا و اغفر لنا انک علی کل شیء قدير و الحمد لله رب العالمین

﴿ بیان الشهود والوصول ﴾

معلوم اوله که سالکی مطلوبنه واصل ایدیحی طریق بودر که ذاکر اولان
سالک مذکور ی ذکر ایله فناء کلبیه یتشوب وار لغندن بالکایه یکجوب
انایتندن یوق اولقدر جله مجاهده و ریاضتدن مقصود بودر چن مرید
صادق بوکالی تحصیل ایلیه اول سالک ایچون بوجود معنوی موهوب
حاصل اولور که اول وجود معنویه ایله مطلوبنه وصول و مشاهده به مستعد
اولور لکن بووصول عالم محسوسده قربتیله اولان وصول کبی دکادر که
حق سبحانه و تعالی حضرتلری شوائب حدوث و مکاندن منزهدر انجیق

جسد انسان روح
مؤلفدر و مجتهدر چ
وتفرقه بی جمع ایلد
واجب و لازمدر بر
عارف دائما روحیا
مقام جمده چونکله
محل مجلی و مشاهده در
و جسد ایله مقام تفرقه

دائرة کلمات اولی العزم

قائم اولور که جسد
محل تکلیف و مجاهددر
و مشایخ کرامدر
واسطی قدس سر
بیور مشردر که هر با
نفسکه نظر ایدر سل
تفرقه و ارر سور
ونه وقتکه ر بکه توجا
ایدر سل جمده اولور
واکر کندیکک اجزا
ایله قائم اولدیغنی نظر
ایدر سن بلا جمع و تفر
مقام فنایه قد
باصر سن که بو مقام
جلیله به مشایخ جمع الی
دیرر جله سندن عالی
وینه کیمکه طاعتی
کندی کسینده کور
مقام تفرقه به قد
باصر و هر کم طاعتی
حقک فنل و هدایتدن
یله اهل جمع اولور

بووصول بر استغراق و توجه کلیدن عبارت در که سالک اول خالنده جمع
 ماسوادن فانی اولوب همان مدر که سنده حق جل و علا قالور حتی کندندن
 دخی فانی اولور بو حاله مشایخ وصول مشاهده دیرلر یوقسه طائفة
 ملاحظه نك دیدکاری کبی دکدر که حلول و اتحاد تصور اولنه زیر امکان
 حقیقی حسا و شرعا و عقلا واجب حقیقی نك غیریدر باخصوصکه سالک
 و اصل اولدیغی وقت وجودندن فانی اولوب و معدوم اوزرینه برشی ایله حکم
 جائز اولز حلول و اتحاد زده قالدی و مشایخ نه وقت اتحاد ایله تعبیر
 ایلسدر حق تعالی نك رضاسنه کمال موافقت و قربت مراد ایدرلر ننه کیم
 ناس اراسنده فلان کیسه فلان ایله متحددر دیرلر بر برینک اراده لرنده
 متحددرلر بیلرنده مخالفت یوقدر دیمک معناسنه در یوخسه ایکی ذات
 بوجود اولدی دیمک معناسنه دکدر و مشایخک محو اولدی و فانی اولدی
 و معدوم اولدی عبارت لرندن مراد لری سالک حق تعالی حضر ت لرینه کلیتله
 توجهدن انوار تجلیده و بحر وحدته استغراقنده کندی یوق اولوب وار لغندن
 شویله ذاهل و فانی اولور که ادراکنده بجهله ماسوی غائب و مضمحل
 اولور دیمکدر حتی نفسنی دخی بیله مز توجه تامی و ماسوادن اعراض
 کایسی بر کاتبیله مثلا شرقه نظر ایدن کیسه غریبن ذاهل اولدیغی کبی
 و دوشکن عاشقک کمال درجه اشتیاقیله معشوقه سنک دیدار ووصالی
 تفکر نه طالدهده یاننده اولانلردن ذاهل اولوب خارج و داخلدن بی خبر
 اولدیغی کبی سادات طریقت بو حالته فنا و محو و عدم ایله تعبیر ایدرلر
 پچان مرید صادق بودولته نائل اولسه ایثی اسان اولوب سعاده کبرایه
 یول بولور متعنا الله وایاکم و شرفنا الله بها و بدوامها آمین

﴿ بیان الروح الانسانی ﴾

معلوم اوله که روح انسانی که اکا حکما نفس ناطقه تسمیه ایدرلر حجة الاسلام

هر کم کندی نفسندن
 عملندن فانی اولوب
 نلردن واز کلور
 بی جله بی حقه بیلور
 قام جمع الجمعی حائز
 بلور و شیخ ابوعلی دقاق
 یمشدز که هر بر شیکه
 ندینه نسبت ایلیه سن
 نرقه اولور و هر شیکه
 سندن سلب ایدوب
 قدن بیله سن جمع
 لور جنید حضر ت لری
 وردیلر که حق جل
 علانک قرینتسه
 جدانکده واقف
 یلق جمع اولوب
 جدا نکلدن حق تعالی نك
 ائب اولمی تفرقه در
 بلاصه کلام حق جل
 علانک غلبه ظهورنده
 مشاهده سنک استیلا
 ندن خلقت بشرینک
 ائب و مستهلک اولمی
 قام جمع اولوب
 حقه مشاهده سنک
 ستاره و غیبویینی
 بخلفت بشرینک ظهور
 یغلبه سی تفرقه در
 علم نوعان حصولی
 حضور ی فالعلم
 لحصولی هو الصورة
 الحاصلة یعنی علم تعلق
 سورة النبی و الحضور ی
 هو العلم الذی تعلق بنفس
 النبی و حقیقه هذان

العلمان علم الخلق
كذافهم من مكاتب
الرباني والعلم الحسول
علم حاصل في الخارج
عبارة من حصو
صورة المعلوم ا
الصورة الخاص
في مدركة العالم والا
الخصوري بخلافه
هو متعلق بذات اله
اي ليس بحسب
عن الخارج

امام غزالي وشيخ احمد سهروردي قدس الله اسرارهما حضراتك اتفاقا
شويله دركه روح انساني عالم امر دن وسر رجانيدركه ماده
سزكن امرنده وجود بولش بر جوهر در جسم دكلدركه مكانه حلول ايده
ويا قابل قسمت اوله و عرض دخي دكلدركه قلبه و يا دماغه، حلول ايده
سوادك اسوده و علمك عالمه حلولي كبي و جوهر قائم بنفسه اولوب كنديني
وخالقني بيلور و معقولاتي ادراك ايدر عرضده بوصفقتلر اولمز و كليت
و جزئيته ايله دخي منتصف دكلدر و نه بدنن خارج و نه داخل و نه منفصل
درويه حلول و دخول ايدر و نه برجهاته مختصدر زيرا بومذكور انك
بجمله سندن معرا و مبرادر ومع هذا اشبو روح انساني حادثدر اما اوزرينه
موت جاري اولمز ايكي دارك برنده ابديدر اما اشبو روحك باقي اولديغنه
قراين كريمده دليل قال الله تعالى (ولا تحسبن الذين قتلوا في سبيل الله امواتا
بل احياء عند ربهم يرزقون فرحين بما اتاهم ربهم) آية كريمه سيدير بودخي
معلوم مدركه ميتك شرح و استبشار و مرزوق اولوق شاني دكلدر انجق
بونلر موجودك وحيك شانيدر و رسول اكرم حضرتلري (ارواح
الشهداء في حواصل طير خضر تسرح في رياض الجنة) بيور مشلدر و جميع
اسلامك عقائدنده ثابت و مقرر دركه روز شب حق تعالى دن مغفرت و رحمت
طلب ايتك انجق موجود اولانلر ايچوندر يوخسه معدوم ايچون دكلدر
زيرا بيان اولنمشكه روح انساني بدنه منطبع و حال دكلدركه بدنن موت ايله
علاقه سي كسلدكده فاني و معدوم اوله انجق اولوم ايله فاني و معدوم اولان
روح حيوانيدركه اول قلبده تكون ايدن بخار لطيفدن عبارتدر اول بخار
عروق و اعصاب و اسطه سيله دماغه و سائر اعضايه تصاعد و حلول ايدوب
هر بر حواس ظاهره و باطنه اندن استعدادلرينه كوره مستفيد اولورلر بوروح
حيواني موتله باطل اولورا كا تابع اولان حواس و قوي دخي باطل اولورلر
اما روح انساني بونلرك باطل اولسيله فاني اولوب باطل و معدوم اولمز علماً

و حکماء دیمشردر که کشتی نفس ناطقه سنی یعنی روح انسانینک کندنده تعبیه و وضع اولنان فضائلی و انده مرکوز اولان کجالات و حقایق و عندالله انک قدر و منزلتی نه اولدیغنی و نه تحصیل و تدارک اولنه جغنی بیلوب اکلهمق فضائل و معارفک اسمی و عالم ملکوت و مشاهداتک مفتاح و مبتناسیدر هرکیم که نفسنی بیلیه اکا انسان اسمنی اطلاق ایلک صحیح اولمز من عرف نفسه سرینه واقف اولیسانک حیوانلقدن غیری نصیبی اولمز پس عاقل اولان متبصرانه حرکت ایدوب سعادت ابدیه سنه جهد و سعی ایدر و روح حیوانی و نفس ناطقه سنی اکیوب کجاله ایرکورر زیرا قیامتده حشر اولدقدده روح معرفت و علمی مقداری حسن و کمال اوزره حشر اولنور و عمل صالحی قدر صورت جسمانی حسن و ملاحظت بولور بو خاصیت ایله ارواح بربرندن تمیز و متفاوت اولور .

❁ بیان السواک و السیر الاربع ❁

معلوم اوله اهل طریقک سیر سلوک لفظلرندن مراد شریفلری سیر علیه و سلوک عرفانیه درکه مقوله کیدنددر زیرا بونده حرکت مکانیه به مجال یوقدر امام ربانی مجدد الف ثانی قدس سره حضرتلری بونی تحقیق ایدوب بیوردیلر که تحقیق سیر و سلوک شول حرکت علیه دن عبارتدر که حرکت مکانیه به اول مقاملرده مجال یوقدر و سیر درت قسم اولوب (برنجی قسمی سیرالی الله) درکه اکا سفر اول تسمیه اولنور اشبو سیرالی الله شول حرکت علیه دن عبارتدر که سالک ذکر ایدهرک حق تعالی به عروج طریقیه حرکت و علم اسفلدن علم اعلی و اشرفه و مراتب ظلال اسماء الهدن مبدأ تعینی اولان اسم و اصل و منتهی اولور و سالکک بوسیری و حرکت علیه سی قلبندن علم ممکناتک جیعیمی زائل اولدقدنصره حاصل اولور که